



Baca teks sastera "Tukang Kayu dan Tukang Besi", buku teks muka surat 116. Kemudian, lengkapkan ulasan di bawah dengan frasa ayat yang sesuai. Salin semula ulasan yang lengkap dalam buku tulis.

Di sebuah pekan kecil, tinggalah seorang tukang kayu dan seorang tukang besi yang rajin bekerja. Tukang Kayu sangat mahir bertukang kayu manakala Tukang Besi sangat mahir bertukang besi. Kedua-duanya mampu menghasilkan pelbagai barangan hiasan dan senjata yang amat elok buatannya. Namun begitu, perniagaan mereka tidak begitu maju. Tukang Kayu dan Tukang Besi berasa amat susah hati.



Tidak jauh dari tempat tinggal mereka, ada seorang kaya yang baik hati. Orang Kaya berasa simpati akan nasib malang yang menimpa Tukang Kayu dan Tukang Besi. Beliau bercadang untuk membantu mereka.

Pada suatu hari, Orang Kaya datang berjumpa dengan Tukang Kayu dan Tukang Besi. Orang Kaya pun memberikan buah fikiran.

"Ramai orang yang tidak tahu tentang hasil kerja kamu. Kedai kamu agak tersorok daripada pandangan orang yang lalu-lalang. Saya rasa kamu perlu berpindah ke tempat yang lain," ujar Orang Kaya. Tukang Kayu dan Tukang Besi kelihatan muram. Mereka tidak mempunyai tempat lain untuk berniaga.

"Beginilah, kamu boleh menumpang di kedai saya," kata Orang Kaya lagi. Tukang Kayu dan Tukang Besi pun bersetuju.



Selepas beberapa bulan, perniagaan Tukang Kayu dan Tukang Besi semakin maju. Saban hari, ramai orang datang untuk membeli barang yang dijual oleh mereka.

Tukang Kayu dan Tukang Besi berasa sungguh gembira. Mereka mengucapkan terima kasih kepada Orang Kaya kerana telah membantu mereka.

hasil kerja kita berkualiti

dapat meningkatkan ekonomi

kita dapat memajukan diri

bersikap baik hati

sentiasa menerima pendapat

Berdasarkan petikan Tukang Kayu dan Tukang Besi, kita perlu bersikap rajin bekerja serta mahir dalam pekerjaan seperti tukang kayu dan tukang besi agar _____. Kita juga mestilah _____ dan suka membantu seperti orang kaya dalam cerita berkenaan agar _____ masyarakat di tempat kita. Selain itu, kita haruslah _____ orang lain yang mahu membantu kita dan melakukan perubahan agar _____. Akhir sekali, kita hendaklah selalu bersyukur dan mengucapkan terima kasih kepada orang yang membantu kita.

Kesimpulannya, sikap menerima pendapat orang lain dan saling membantu perlu dalam memajukan masyarakat dan negara kita.